

BOSNA I HERCEGOVINA  
Federacija BiH  
UNIS „GINEX“ d.d. Goražde  
Direktor Društva

Na osnovu člana 3. Pravilnika o radu UNIS „GINEX“ d.d. Goražde, Odluke Uprave Društva o potrebi povećanja broja radnika, broj: 787/22 od 10.01.2022. godine, Direktor UNIS „GINEX“ d.d. Goražde objavljuje:

#### JAVNI OGLAS

##### I. Predmet javnog oglasa:

Zasnivanje radnog odnosa na određeno vrijeme do 12 (dvanaest) mjeseci sa:

a) 12 (dvanaest) radnica - za vršenje poslova "Izrada inicijalnih i pirotehničkih smješa i rad na zapremnom aparatu";  
Kratak opis poslova:  
- rad na pripremi inicijalnih, usporačkih, pripalnih i vlažnih smješa;  
- rad na zapremnom aparatu prilikom izrade inicijalnih (vlažnim i suhim postupkom) i duplex kapisli;  
- rad na zapremnom aparatu prilikom usvajanja novih proizvoda iz programa inicirajućih sredstava.

b) 18 (osamnaest) radnika - za vršenje poslova "Preser".

Kratak opis poslova:  
- rad na presovanju, otprašivanju i pertlovanju inicijalnih, duplex i detonatorskih kapisli;  
- rad na presovanju i kompletiranju elemenata udarnih detonatora, milijsporača, detonatora, električnih inicijatora i drugih inicirajućih sredstava;  
- rad na presovanju i kompletiranju usvajanja novih proizvoda iz programa inicirajućih sredstava;  
- rad na izbijanju kolačića, predsušenju, isijecanju i ubacivanju papirne pokrivke, prebacivanju kapisli iz ručice za punjenje u ručice za lakovanje i kompletiranje, kompletiranju i sušenju na vodenoj sušnici u pogonima mokre tehnologije;  
- prenos otpadnih voda iz objekta laboracije u objekat za uništavanje otpadnih voda.

##### II a) Kandidati treba da ispunjavaju slijedeće opće uslove:

- da je stariji od 18 (osamnaest) godina;  
- da je državljanin Bosne i Hercegovine;  
- da nije opušten iz radnog odnosa kao rezultat disciplinske mjere.

##### b) Pored općih uslova kandidati treba da ispunjavaju i posebne uslove:

- Za rad na poslovima "Izrada inicijalnih i pirotehničkih smješa i rad na zapremnom aparatu":  
- da su ženskog spola;  
- da posjeduju stepen stručne spreme SSS/KV. Prednost imaju kandidati sa završenim smjerom: Mašinski tehničar, Hemijski tehničar, Pirotehničar, Metalske struke III stepena;  
- Za rad na poslovima "Preser":  
- da su muškog spola;  
- da posjeduju stepen stručne spreme SSS/KV. Prednost imaju kandidati sa završenim smjerom: Mašinski tehničar, Hemijski tehničar, Pirotehničar, Metalske struke III stepena.

c) Sa izabranim kandidatima iz tačke II a) i b) zaključuje se Ugovor o radu sa pripravnikom na određeno vrijeme radi stručnog osposobljavanja za samostalan rad u trajanju od šest (6) mjeseci. Ukoliko pripravnici zadovolje na pripravničkom stažu, sa istima će se nakon položenog stručnog ispita u skladu sa Pravilnikom o radu zaključiti Ugovor o radu na određeno vrijeme u trajanju od šest (6) mjeseci na poslovima na kojima su obavili pripravnički staž.

##### III Potrebni dokumenti:

Prijave kandidata treba da sadrže kraću biografiju, adresu i kontakt telefon.  
Uz prijavu treba dostaviti:  
- uvjerenje o državljanstvu (ne starije od šest mjeseci) ili potvrdu o prebivalištu CIPS (ne starije od šest mjeseci);  
- izvod iz matične knjige rođenih;  
- diplomu o SSS ili KV stručnoj spremi (ovjerenjena fotokopija diplome);  
- potpisana izjava kandidata i ovjerenjena od strane nadležnog općinskog organa (ne starija od tri mjeseca) da nije otpušten iz radnog odnosa kao rezultat disciplinske mjere.

IV Rok za podnošenje prijave na javni oglas je 8 (osam) dana od dana njegove objave u dnevnom listu u FBiH i Službi za zapošljavanje BPK Goražde.

**Napomena:** Samo izabrani kandidati u roku od 8 (osam) dana dostavljaju UNIS „GINEX“ d.d. Goražde ljekarsko uvjerenje izdato od strane ovlaštene medicinske ustanove sa područja BPK Goražde. Kandidati koji dobiju valjano ljekarsko uvjerenje u roku od 5 (pet) dana dostavljaju UNIS „GINEX“ d.d. Goražde uvjerenje o neosuđivanju izdato od nadležnog MUP-a.

V Ovaj javni oglas se objavljuje u dnevnom listu "Dnevni avaz", web stranici UNIS „GINEX“ d.d. Goražde, Radio-televiziji BPK Goražde i istog dana dostavlja Službi za zapošljavanje BPK Goražde. Prijave sa svim traženim dokumentima treba dostaviti preporučenom poštom sa naznakom na koverti "Prijava na javni oglas" - „ne otvarati“. Na poledini koverta navesti ime i prezime podnosioca prijave, adresu i kontakt telefon. Prijave sa traženom dokumentacijom dostaviti na slijedeću adresu: UNIS „GINEX“ d.d. Goražde, ul. Višegradska bb, Goražde. Neblagovremene i nepotpune prijave neće biti razmatrane.

DIREKTOR  
UNIS „GINEX“ d.d. GORAŽDE

Na osnovu člana 336. Zakona o privrednim društvima (Sl. Novine FBiH br. 81/15 i 75/21) i člana 30. Statuta Društva PETROL POWER d.o.o. Sarajevo predsjednica Nadzornog odbora donosi:

#### ODLUKU

##### O sazivanju Skupštine Društva PETROL POWER d.o.o. Sarajevo

Zakazuje se Skupština Društva sa ograničenom odgovornošću PETROL POWER D.O.O. SARAJEVO (u daljem tekstu: Društvo) za dan, srijeda 18.01.2022. godine. Skupština društva će se održati u prostorijama društva Petrol Power d.o.o. Sarajevo na adresi Tešanjka 24a, (drugi sprat zgrade Avaz Twist Tower). Skupština počinje u 10,00 časova, sa slijedećim:

#### DNEVNIM REDOM

1. Formiranje radnih tijela Skupštine;
2. Utvrđivanje kvoruma Skupštine
3. Usvajanje dnevnog reda Skupštine;
4. Ukidanje svih donesenih Odluka sa Skupštine od dana 07.10.2021.godine
5. Usvajanje odluke o smanjenju osnovnog kapitala Društva
6. Usvajanje Statuta Društva
7. Razno

##### Prilog:

Radni materijali:

- Vještačenje po vještaku finansijske struke
- Prijedlog odluke o smanjenju kapitala društva
- Prijedlog Statuta

Svi osnivači mogu materijale za Skupštinu preuzeti u sjedištu Društva na adresi Tešanjka 24a/II najkasnije jedan dan prije početka Skupštine.

Predsjednica Nadzornog odbora:

Adisa Kustura

##### Pozvani:

- PETROL, Slovenska energetska družba, d.d., Ljubljana;
- Društvo za promet roba i usluga "INTRADE" d.o.o. Sarajevo;
- Avdić Mirjana;
- Spahalić Berin;
- Kepeš Ziad;
- Čimpo Elvir;
- Zdešar Jože Aleš;
- Zaloker Ante.



Bosna i Hercegovina, Federacija Bosne i Hercegovine, AGENCIJA ZA DRŽAVNU SLUŽBU  
Босна и Херцеговина, Федерација Босне и Херцеговине, АГЕНЦИЈА ЗА ДРЖАВНУ СЛУЖБУ  
Bosnia and Herzegovina, Federation of Bosnia and Herzegovina, CIVIL SERVICE AGENCY

Na osnovu člana 34. a u vezi sa članom 67. Zakona o državnoj službi u Bosansko-podrinjskom kantonu Goražde („Službene novine Bosansko-podrinjskog kantona Goražde“ br. 3/18 i 6/20), na zahtjev Stručne službe Skupštine Bosansko-podrinjskog kantona Goražde, Agencija za državnu službu Federacije Bosne i Hercegovine, objavljuje

#### JAVNI KONKURS

za popunu radnog mjesta državnog službenika u  
Stručnoj službi Skupštine Bosansko-podrinjskog kantona Goražde

##### Radno mjesto:

-Stručni saradnik za informacione poslove  
izvršilac

-1 (jedan)

Integralni tekst javnog konkursa možete pogledati na službenoj internet – stranici Agencije za državnu službu Federacije BiH - [www.adsfbih.gov.ba](http://www.adsfbih.gov.ba)  
Rok za podnošenje prijave počinje teći od dana objavljivanja javnog konkursa u „Službenim novinama Federacije BiH“.

DIREKTOR  
Refik Begić, magistar uprave

Bosna i Hercegovina  
Federacija Bosne i Hercegovine  
Kanton Sarajevo  
Općina Stari Grad Sarajevo  
Općinsko vijeće



Bosnia and Herzegovina  
Federation of Bosnia and Herzegovina  
Canton Sarajevo  
Municipality of Stari Grad Sarajevo  
Municipal Council

Na osnovu člana 2.2. i 2.12. Izbornog zakona Bosne i Hercegovine ("Službeni glasnik BiH", broj 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20), člana 7. i 8. Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne jedinice u Bosni i Hercegovini ("Službeni glasnik BiH", broj 67/21 i 73/21) i Odluke Općinskog vijeća Stari Grad Sarajevo o objavljivanju Javnog oglasa za imenovanje člana Općinske izborne komisije Stari Grad Sarajevo, broj: 02-45-756/21 od 30.12.2021. godine, Općinsko vijeće Stari Grad Sarajevo, objavljuje

#### JAVNI OGLAS

za imenovanje člana Općinske izborne komisije Stari Grad Sarajevo

**Opći uslovi:** da je lice sa pravom glasa i da posjeduje odgovarajuću stručnost i iskustvo u provođenju izbora  
**Posebni uslovi:** da ima evidentirano prebivalište na području općine Stari Grad Sarajevo, da ima završen fakultet, odnosno VIII/1 stepen stručne spreme ili završen fakultet bolonjskog sistema studiranja sa najmanje 180 ETCS i da posjeduje iskustvo u provođenju izbora (pod iskustvom se podrazumijeva članstvo u Izornoj komisiji, članstvo u biračkom odboru na izborima obuhvaćenim Izbornim zakonom BiH)

Rok za podnošenje prijave na javni oglas je 8 (osam) dana od dana objavljivanja oglasa u dnevnom novinama. Prijave na javni oglas kandidati trebaju dostaviti preporučenom poštom ili na protokol Općine u zatvorenoj koverti sa naznakom:

"PRIJAVA NA JAVNI OGLAS ZA IMENOVANJE ČLANA OPĆINSKE IZBORNE KOMISIJE – NE OTVARAJ", na adresu: Općina Stari Grad Sarajevo – Općinsko vijeće Stari Grad Sarajevo – Komisija za izbor i imenovanje (Konkursna komisija), ulica Zelenih beretki 4, 71 000 Sarajevo.

Kompletan tekst javnog oglasa dostupan je na zvaničnoj web stranici [www.starigrad.ba/javni](http://www.starigrad.ba/javni) pozivi, konkursi i oglasi.

Sarajevo, 12.01.2022. godine  
Broj: 02-45-16/22

Sarajevo, Zelenih beretki 4,  
Centrala: 033/282-300, Info put: 033/282-422  
[www.starigrad.ba](http://www.starigrad.ba)  
[info@starigrad.ba](mailto:info@starigrad.ba)



BOSNA I HERCEGOVINA  
FEDERACIJA BiH  
KANTON SARAJEVO  
OPĆINSKI SUD U SARAJEVU  
Zemljišnoknjižni ured  
Broj: 065-0-DN-21-030 285  
Sarajevo, 10. 01. 2022. godine  
Općinski sud u Sarajevu, zemljišnoknjižni ured, na osnovu člana 66. i 67. a u skladu sa članom 88. stav 2. Zakona o zemljišnim knjigama FBiH (Sl. novine FBiH br. 19/03 i 54/04),  
**NAJAVLJUJE  
USPOSTAVU ZEMLJIŠNOKNJIŽNOG  
ULOŠKA**

U zemljišnoknjižnom predmetu broj 065-0-DN-21-030 285, a po zahtjevu Lokvančić Aiše iz Ilidže, zastupane po Bećirović Džemalu, advokatu iz Sarajeva, u toku je postupak uspostavljanja zemljišnoknjižnog uloška.

Nekretnine, za koje se uspostavlja zemljišnoknjižni uložak, upisane su o novom permjeru u Posjedovnom listu broj: 1676 k.o. BUTMIR i označene kao: k.č. br. 1221/20 Gradilište Orlovaca površine 428 m2 k.č. broj 1221/22 Vrt 1. klase Orlovaca površine 326 m2

Prema podacima katastra Općine Ilidža na predmetnim nekretninama kao posjednik je upisana lokvančić rođ. Čenanović Aiša kći Ramiza sa dijelom 1/1.

Prema podacima Zemljišnoknjižnog ureda Općinskog suda u Sarajevu kao vlasnik nekretnina upisanih u ZK. uložku broj: 7703 k.o. SP Gornji Butmir i to u odnosu na parcelu 1711/96 Gradilište Orlovača površine 214 m2 i parcelu 1711/107 Oranica Orlovača površine 147 m2 uknjižena je predlagateljica Lokvančić Aiša kći Ramiza sa dijelom 1/1, dok se u odnosu na nekretnine upisane u ZK uložku 1907 k.o. SP Gornji Butmir i to u odnosu na parcelu 1711/97 Gradilište Orlovača površine 214 m2 i parcelu broj 1711/108 Oranica Orlovača površine 179 m2, kao vlasnik je uknjižena Hrgić (Anto) Ružica rođ. Razdrić - Ramljak sa dijelom 1/1.

Pozivaju se sva lica koja polažu pravo vlasništva ili neko drugo pravo na navedenim nekretninama da svoje pravo prijave u roku od 60 dana od dana najave podneskom u dva primjerka i to dokažu, u suprotnom njihovo pravo neće biti uzeto u obzir prilikom uspostave zemljišnoknjižnog uloška.

Lica koja polažu pravo na tim nekretninama mogu navedeni rok na zahtjev produžiti za najmanje slijedećih 90 dana, kako bi im se dala mogućnost da pribave potrebne dokaze. Ukoliko u produženom roku ne uslijedi prijava, zemljišnoknjižni uložak će se uspostaviti na osnovu do tada pribavljenih dokaza.

Stručni savjetnik za vođenje zemljišnih knjiga  
Sanela Brđanin  
NDŽ-95372